

Harmonisashon protekshon di datonan personal	
Proyekto ta relashoná ku Aruba, Kòrsou i tambe Sint Maarten	
Tema H: Fortalesé estado di derecho	
Hulanda i e paisnan huntu ta traha pa yega na un nivel harmonisá di protekshon di datonan personal denter di e Reino pa medio di un Rijkswet (Lei di Reino).	
Motibu	E Reino aktualmente konosé sinku diferente régimen pa protekshon di datonan personal. E nivel di e diferente régimennan di protekshon tambe ta diferente. Esaki den práktika ta trese strobashonnan ora di kompartí dato entre e paisnan, ku konsekuensia ku hopi tarea di gobièrnu ta hasí di un forma bou nivel. Meskos ta konta pa interkambio di dato personal den sektor privá. E problemátika di skèts ta presente enfátikamente den e koperashon (operashonal) entre servisionan di investigashon. Paden di e servisionan aki ta eksistí un nesensidat grandi pa un fundeshi amplio pa interkambio struktural di dato personal i datonan di polis, hustisia, prosesamentu penal, dato hudisial penal i dato di ehekushon.
Ophetivo	E proyekto ta dirigí riba realisashon di un consensus rijkswet (lei di konsenso di Reino) ku kua denter di e parti karibense di e Reino ta regla un nivel harmonisá di e protekshon di dato personal.
Enkargo	Realisá un consensus rijkswet (lei di konsenso di Reino) den kua ta regla e harmonisashon di e protekshon di dato personal denter di e paisnan karibense di e Reino.
Akshon ku a skohe p'e	Konhunto e ministernan di Hustisia di e kuater paisnan di e Reino ta fungi komo dunadó di enkargo di e proyekto. A base di un plan di akshon akordá pa e dunadó di enkargo, un tim di proyekto ta ehekutá e proyekto. Ta determiná e progreso di e proyekto i posibel adaptashonnan den e plan pa medio di informenan periódiko di e progreso na e Justiti eel Vierpartijen Overleg (JVO, Konsulta Hudisial di Kuater Pais). Tambe e proyekto konosé un grupo di proyekto. E grupo di proyekto ta konsistí di representantenan di Aruba, Kòrsou, Sint Maarten i Hulanda. E miembranan di e grupo di proyekto ta fungi komo representante di nan paisnan respektivo, ta outorisá pa hasi esaki i tin e mandato pa esaki di nan gobièrnan respektivo.
Logronan deseá	E resultado final ta mira riba realisashon di un consensus rijkswet (lei di konsenso di Reino) ku kua denter di e parti karibense di e Reino ta regla un nivel harmonisá di e protekshon di dato personal.
Kondishonnan, koheshon i/òf dependensia	No ta apliká.
Planifikashon	Mirando e tempu di trayektonan di legislashon kompleho similar, no ta premirá ku e consensus rijkswet (lei di konsenso di Reino) intensioná ta drenta na vigor promé ku 2024.